



## Longr ka be, liu-n-bogr ka be, kolonkoog kelem beed ka be ye, ki toog ka be, la f zoe n zãag wõod soaba, wala f sën zot n zãagd bönyëega

Yii a Abuu Hurayrat nengë (Wënd yard be a yïnga) a yeelame: Wënd Tën-tuum (Wënd puusg la A tigr be a yïnga) yeelame-: «Longr ka be, liu-n-bogr ka be, kolonkoog kelem beed ka be ye, ki toog ka be, la f zoe n zãag wõod soaba, wala f sën zot n zãagd bönyëega».

[Naşun Şahuhun (Gom-sikdem sën manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã (Wënd puusg la A tigr be a yïnga) vënega yel nins sãnda sën da be Zulmã sasa, n bugsdë, ti nebã zãag-ba, la a vëneg n wilgdë ti yelã fãa bee Wënd nugë, la bumb ka yite, rëndame ti tũ ne Wënd sagell la A kordgo, la yel-kãensã yaa: Rëenem soaba: yaa ti Zulmã rãmb rag n yume n tãeda ti bãag longda a toore a meng yïnga; ti Nabiyaamã (Wënd puusg la A tigr be a yïnga) gidg-b n yi tẽ-kãngã sën yet ti bãag longda a toore n yi bãadã n këng ned a to nengë, bala yaa Wënd n kënesd dũni wã, la Yënda n sikd bãagã la a zëkd-a, la rë ka yite rënda ne A raabo la A kordgo. Yiib soaba: yaa ti Zulmã rãmb rag n yume, ti b sã n yi sore, maa tolbo, b yeesda liuuli wã ykre, rënd b sã n yik rtg weengë, b sũyã nooma ne rënda, la b sã n yik goabg weengë, la b sën mamsd ti rë yaa zu-beedo, ti Nabiyaamã (Wënd puusg la A tigr be a yïnga) gidg bãmb sën rik liuuli wã ykr ti yaa zu-beed tagmasã, la a vëneg n wilg t'a yaa Akuda(loeega) sën yaa zaalem. Tãab soaba: yaa ti zulmã rãmb rag n yume, n yetë ti liuug sã n sig zakë, masub n na n sig zakã rãmba, ti Nabiyaamã (Wënd puusg la A tigr be a yïnga) gidg ti b ra tãed rënda ti yaa zu-beed tagmas ye. Naas soaba: a gidgame ti b ra wa rik zu-beed tagmas n za ne Safar kiuug ye, yë me la kiuug a yiib soaba, yuumdã kiisã pugë, la sãnda yeelame ti Safarã yaa waafu n be pugë, n yõkd rũmsã la nebã, ti bãmb rag n yetë t'a longrã keelem yuda burgemdi, ti Nabiyaamã gidg Akudã (loe) -kãngã. Nu soaba: Nabiyaamã saglame ti b zãag ned ning wõod sën tare, wala b sën zãagd b mens ne bönyëega, la rënda yaa sën na yil ti nebã ke woko, n leb n yaa laaftu ne nebã, n leb n yaa sabab nins Wënd sën sagl ti b rikã maanego, wõodã me yaa bãag sën rit ninsaal yin-wilã.

النجاة الخيرية  
ALNAJAT CHARITY

